

閩侯縣志卷七十六

儒行三

明

林同字于野閩縣人博學力行安貧樂道居家教授後進日踵其門洪武中寓居同安戶部郎李文郁師事之力薦于朝授同安訓導至官二日卒所著有銅魚集

鄭旭字景初閩縣人居家孝友有信義貫通五經百家諸史與王偁林誌友善以學行辟爲國子掌儀明太祖選德望十人使傳東宮旭居第二後謫雲南吏目建文中起爲高安訓導所著有詩經總旨初學提綱咏竹稿等書

羅泰字宗讓少從鄉先生宋瑜受春秋又從訓導林友從受易後進以二經高第者多出其門又與林誌相倡爲古文宣德七年應天尹聘司文衡泰辭曰布衣也敢去取畿甸士哉平生好古遵禮母喪家貧數年不能葬

閩侯縣志

七

六

儒行三

一

布衣蔬食嘗如袒括日偶語及則泫然泣下與薩琦善琦父卒欲用色目禮治喪泰力止之弟澤永樂甲辰進士官浙江道監察御史子紋繹皆永樂丁酉舉人繹字從思授肇慶府訓導轉新河教諭部使者欲以非理相加繹毅然曰官可去不可辱也竟以是罷歸先在肇慶時知府王瑩雅相重令督修郡學旣畢工餘緡頗多適繹將考績北上瑩令取以治行繹一無所受

陳樂字九成父嘗得奇疾晝夜侍側鄉黨咸推爲篤孝舉隆慶丁卯鄉試授南靖教諭歷兩京國子學正轉大理寺司務執法無所徇或勸求善轉樂笑曰嫠也老而倚門平生衣無帛食無肉卧無帷帳病以布席禦風然口未嘗言貧

葉公堃字達所閩縣人萬曆戊子舉人授南靖教諭時縣治新遷學宮草創公堃課士維嚴教條整肅士喜得師後陞廣西賀縣知縣在南靖時嘗手植雙檜於明倫堂隄上多士望而懷之

以上閩縣

許穀字仲貽籍上元嘉靖乙未會試第一歷官南京尙寶卿遷太常少卿  
以人言罷歸穀負時名家居凡三十年不通一字於政府搢紳造門求見  
不一報謝曰此鄉前輩里居之法不敢變也年八十三卒

鄭守道字用行侯官人學務窮理篤於躬行嘗主白鹿洞教事著太極圖  
說并易乾坤上下繫辭解大學講章深思精詣能闡周程之秘有功來學  
方仲夔字汝典侯官人積學砥行教授生徒及門多貴顯同時洪勳字孟  
功郭宗禹字不伐陳秉誠字心源皆以力學勤教著稱

懷安附

陳鼎字調玉以易教授弟子尙書張經御史周亮舒汀知府廖世魁兵部  
郎王欽進士許繹通判藍淦知縣羅釗皆其門下士也爲人方正不苟時  
有按察使極愛重之當爲閱卷官私召鼎授以祕旨鼎入試苦心爲文不  
用所授旨終身不舉偃蹇以老